

皇清文穎續編

皇清文穎續編卷首三十六

高宗純皇帝聖製詩

七言排律

豐澤園嘉穀旣獲命大學士九卿觀之兼成近

體八韻

我

皇祖以農桑爲重於瀛臺之西別建一園黍高稻下  
左右區分蠶屋桑疇後先相望驗田功而重本

計貽訓良深

皇考年舉藉田之禮每先期演耕於此予小子仰

聖蹤之同揆其敢弗獲茲當萬寶告成之際王畿遍

覽而旋越我弄田亦登嘉穀對時有喜點筆成

章

較晴量雨一年中家法塵農

聖聖同倬彼公田經

舜步欽茲本務對幽風三春于是青箱播九夏曾看

玉璫玕寶好實堅欣始遇維縻維芑類皆充莖莖尺  
穗真希見顆顆圓璣允化工快目稍酬祈國志因心  
敢懈藥淵衷勤畊時漑兼逢歲山左江南可遍豐鷺  
序傳觀休進頌先憂後樂事何窮

重修

壽皇殿竣是日奉安

神御禮成述事六韻

有序

是殿向奉

皇祖

皇考神御爲室僅三楹又方向不合規度乃命鳩工  
庀材量加修建中峯正午及門楹堂室一視  
安佑宮之制較舊加鉅麗焉工旣落成謹蠲仲夏  
之望重安

神御於是歲時薦新永展孝思云

壽皇

聖祖興居久

先帝思

親展孝弘神御安靈宋遺制衣冠原廟漢諸陵欽承  
有繼馨香薦追遠長懷

陟降憑子午向山期必正規模合度量爲增優聞儼  
見千秋永景福鴻禧百世凝觀德皇皇惟是凜肯堂  
切切詎斯能

恭奉

皇太后南巡啟蹕京師近體言志

有序

皇清高宗純皇帝  
卷之三十一  
三  
茲乾隆辛未建紀之歲實

慈寧六旬大慶之年奉

遊豫以祝釐

皇祖聿垂燕翼省閭閻而行慶蒼生普被鴻恩將見  
農人紅女呼嵩者繞

大安之輿越水吳山罨畫者邀

王母之顧

精禋薦事王路載登成律七言克諧八韻

崇壇祈穀屆初辛  
盥薦柴升秩有倫  
仰冀瑤編書歲稔  
稔親扶

鳳輦舉時巡  
南人望幸心云慰

西母承歡願以申  
四海一家何德我

三朝厚澤久孚民  
省方設教義經重  
覲后同衡虞典陳  
駘宕和風清始蹕  
依韋暖律鬯青春  
歷看麥隴勾蒨  
蒨達擬詠江鄉  
景色新法

祖悅



親厪休助六龍于邁豈辭頻

車駕至吉林得七言排律十二韻

踰千塞旬歷迢迢暢慰初心到一朝

天作高山保之永地呈沃壤壯哉饒星分箕尾神皋  
衍俗重耕桑協氣調左氏浮夸紀周晉史家建置攷  
金遼爲藩南接陪京近扼塞北臨黑水造一旅艱難

緬

直父兩番巡幸遡

唐堯繩

先惟是期無忝裕後還因視不佻問

寢承歡常愛日勅幾熙績每衣宵劭農爲慶農逢稔  
省俗猶欣俗遠澆軍士歡虔皆子弟戚賓侍從擬臣  
寮持盈保泰心恒凜蒙業延休志敢驕陶復

當年未家室瀋陽因肇大風謠

謁

陵禮畢車駕入盛京仍疊癸亥歲舊作七言排律十

四韻

周甲遵塗又向東  
吉林佳氣鬱蔥蔥  
故鄉遺俗今猶在

創業開基古鮮同  
走馬率西時相宅

如龍遼海每勞躬

皇威遠鬯先攘外

聖澤深孚早建中  
名正底須慙德抱  
氣雄真使敵羣空  
旣申頻价魚書議  
垂得還旋玉轡瓏  
帷幄運籌宣

衆力風雲締構贊

天功

王師本是征無戰勝國徒稱守且攻爰藉驅除膺大  
寶遂遷都邑設鄴宮上

陵近紀諏秋吉狩漠觀風樂歲豐洽重熙蒙

祖德月將日就惕予衷留京莅止當年宛父老瞻依  
喜氣融滄海車書虔輻輳九關闔闔洞開通推恩行  
慶遵常制何必醑筵醉頰紅

詠葫蘆筆筒

葫蘆筆筒予向日書几上日用物也弄置廿餘  
年今偶見之如遇故人因成是什亦言志之意  
云爾

苦葉甘瓠祇佐餼縱然爲器乃壺樽豈知貯筆成清  
供陡憶

含飴拜

聖恩是器乃  
皇祖所賜也

巧是鴻鈞能造物

訓垂燕翼見銘言錯綜不易窮理境經緯何曾達治  
源頃覺廿年成夢幻那忘十載伴朝昏猶然我也如  
相待慚愧休爲刮目論

射八韻

有序

紫纁韶昌九品正資宣對黃間春永四侯爰肄  
幾閒當御耦之催班更宛人之入侍旣掄才而  
授位三五聯行言弓燥而手柔疊雙呼雋前者

蕃王負弩曾陪靈囿三驅今焉屬國奉琛復覩  
和門九節念茲觀德爲國朝所素嫻雖值率賓  
敢

家法之稍懈非誇獨擅畧示大端

園門曰出入賢良

正大光明殿前正門  
各皇考御額也

理事恒茲引

對敬多士惟殷斯籲俊遠夷兼值彼來王綠籤器使

掄庶位駢角親彎試廣場志正體平力奚主執專藝

熟中

去聲還常是日發二十矢中十八末  
一矢正中五層之中的

示之所尚傾

心服命以同爲到手忙詎止朝儀決宴樂要令平廟  
畧驚張皇恬文嬉武夙爲戒

祖制

天庥敢不獲珥筆儒臣從紀盛自予

家法奉無疆

詠貝葉經六韻

貝多羅葉玉刀裁

讀作

字真經萬德賅妙覺人天

開象教阿含滿半出峯臺詎曾白馬裝馱至的是祥



雲擁護來西土高僧纔畧識波旬外道早全摧金繩  
什襲守惟甲寶笈韜珍音亦雷寂靜法輪無盡義情  
無情共演根莖

題職貢圖八韻

累洽重熙四海春

皇清職貢萬方均書文車軌誰能外方趾圖顯莫不  
親那許防風仍後至早聞干呂已咸賓塗山玉帛千  
秋述商室共球百祿臻詎是索疆恢此日亦惟

謨烈類

前人唐家右相堪依例畫院名流命寫真西鰈東鸛  
覲王會南蠻北狄秉元辰丹青非爲誇聲教保泰承  
床慎拊循

賜經畧大學士傅恒及征緬衆官兵酒食卽席  
得句

緬酋弗靖擾滇邦螳臂居然試莛撞健騎重驅厄魯  
部驍材兼選黑龍江弼予中國原無二平彼今時豈

有雙就事熟籌應一往於浮得挈勝千扛必能合衆  
成城奏莫拒牽羊袒肉降湛露和風士鳧藻佇看飲  
至酌金缸

奉

聖母命賦得萬年枝上日初長

琪樹託根蘭殿旁龍蔥佈影玉階蒼承温枝愛春曦  
麗含潤葉浮曉露灑疑是再中金鳥駐那如無據紫  
鸞翔內臣報覺蓮壺永宮女量同綵綫長瑞氣氤氳

依幹護和風淡澹拂柯香非關上苑虛傳號喜暎  
東朝實兆祥謝氏芝蘭寧比數周家姜妣共輝光  
延麻襲慶歌苞茂萬歲千秋奉

壽康

命校永樂大典因成八韻示意

有序

翰林院署度有永樂大典一書蓋自皇史宬移  
貯者初不知其名也比以搜訪遺籍安徽學政  
朱筠以校錄是書爲請廷議允行奏旣上勅取

首函以進見其採掇蒐羅極爲浩博且中多世  
不經見之書雖原冊亡什之一固不足爲全體  
累也第彼別部區函意在貪多務得細大不捐  
而編韻分字踳襍不倫則由當時領書局者惟  
一姚廣孝因而濫引緇流逞其猥瑣之識雅俗  
並陳舉釋典道經悉爲闖入其奚當於古柱下  
史藏書之義乎因命內廷大學士等爲總裁掄  
選翰林官三十人分司校勘先爲發凡起例俾

識所從事蕪者芟之靡者釐之散者裒之完善者存之已流傳者弗再登言二氏者在所擯取精擇醇依經史子集爲部次俟其成付之剞劂當以四庫全書名之夫四庫之目始於荀勗而盛於唐時自來志藝文者大都以是爲準較原書斤斤於韻字之末者純駁何啻霄壤於以廣金匱石室之儲用嘉惠來學詎非萬世書林之津逮而表章闕佚之餘爲之正其名而訂其失

又詎非是編之大幸乎系以詩而序之識始事

也

大典猶看永樂傳搜羅頗見費心堅兼收釋道欠精  
覈久閱滄桑惜弗全未免取裁失躋駁要資稽占得  
尋沿貪多遂致六書混割裂都緣正韻牽彼有別謀  
漫深論我惟愛古命重編詞林排次俾分任綸閣鉛  
黃更總研何不可徵惟杞宋寧容少誤致天淵崇文  
藉以備四庫摛什因而示萬年

題李舜臣江東十鑑六韻

十勝原無一勝終誰云鑑此合江東徒因南渡君臣  
怯勗以北征議論公藉是便希成正統謂他未可奏  
膚功扼吭拊背曾何有楚尾吳頭祇自窮都會上游  
應冀北提封次者亦關中少師故是金闔侶桑梓情  
牽識未通

題道命錄

有序

宋李心傳集當時論伊川程子之事二十餘條



其言毀譽各半名之曰道命錄意在推尊伊川以道屬之而以命惜之過矣夫天命謂性率性謂道道卽由於天命非命之外別有所謂道也故董仲舒云道之大原出於天天不變道亦不變實爲篤論若心傳所爲命乃窮通禍福之命卽孔子所罕言顧以附屬於道亦小之乎論道矣或者曰孔子不云乎道之將行也與命也道之將廢也與命也何嘗不相提並論不知孔子

之言正申明道之行與廢由於率性復命之能  
與不能而不繫於公伯寮之沮與不沮公伯寮  
其如夫子之率性復命何故朱子亦謂命有兩  
種其意則引而未發且二程氏之品誼亦正不  
同明道純粹不露圭角伊川則不免於客氣致  
有洛蜀之黨夫黨豈君子所宜有如東漢之黃  
憲徐穉不入黨綱之中其矯然拔俗誠有足取  
彼顧厨俊及互相標榜適以自害然猶出於小

人之中傷也若伊川之與蘇軾皆係正人乃至  
門戶分岐而憑附之徒遂至彼此攻訐不已顯  
然操同室之戈亦獨何哉夫以道學而流爲黨  
援其弊至無所底止非清流之福更非國家之  
福所繫於世俗人心者甚鉅而心傳道命之說  
尤不衷於道因題是編並爲之序而正之

天命於人之謂性道惟率性乃无過應知道也世常  
守曰屬命焉理則邴董子故稱不變爾尼山曾是罕

言他雖云藉此傳名永亦頗因茲致禍多兩敗俱傷  
正何益出行處順或非訛黃徐不入鉤中黨洛蜀還  
操室裏戈明道淵乎量無涖伊川清矣挹斯波心傳  
李作錄意誠美取義失斟費廣羅

題帝王經世圖譜

有序

帝王經世之道具在六經法戒所垂取則不遠  
碩篇籍殺陳披覽非一時可竟唐仲友迺撮舉  
諸經要旨列爲圖譜旁採傳註附以總說分門

別類條理秩然讀之而其辭易通玩之而其義  
易見允爲政治圭臬若夫擇之精語之詳提要  
鉤深用力不紛而見功甚鉅宜周必大題辭比  
諸水之流東而車之指南也夫左圖右史稽資  
觀省之益茲乃彙而爲一包括靡遺永樂大典  
中搜羅甚富如此書之有資君道蓋不屈指教  
也洵稱萬世帝王經世宏編宜侑諸座右鑒以  
朝夕庶詎賞其廣蒐博記已哉序識大端用申

作詩之意

后皇建極亮天工法在六經幾部中守此治兮違此  
亂慎惟始亦要惟終譜圖叛見唐仲友敘語詳言周  
子克詎止存羊愛其禮須知示鵠折乎衷四千年裏  
廢興駁百廿篇間爨括融理世津梁心以慕作君軌  
範聽當聰行間總是珍希有座側恒應置一通寧曰  
纂言資博考踐行益用勗吾躬

題蕭楚春秋辨疑

直選權臣

蔡京

退自怡著書胡

銓

趙

奉爲師宗經頗

具明卓見異註不爲遷就詞非史信哉超衆論亡詩  
作也辨羣疑一王天下無他義三變周公豈逆知可  
惜代湮多散佚允宜重錄表扶持瞠乎徒仰獲麟筆  
無暇方慚下董帷

題大金德運圖說

有序

大金發祥於愛新水愛新者國語金也故建國  
卽以金爲號乃因金色白遂欲從而尙之妄矣

且五德之運說本無稽縱如所言亦取其或生  
或尅議者以宋爲火德遼爲水德大金當爲金  
德夫宋雖南遷正統自宜歸之宋至元而宋始  
亡遼金固未可當正統也若夫商尙白周尙赤  
其見於經者亦祇白牡駢剛之類各從其色至  
如上衣下裳元纁相稱則三代同之而德運之  
論固未之前聞也自漢儒始言五德迭王遂推  
三皇五帝各有所尙後更流爲讖緯抑又惑之



甚矣夫一代之興皆由積德累仁豈在五行之  
生尅而服御所尙自當以黃爲正餘非所宜元  
明制度尙黃不倣陳五德之王其義甚正本朝  
因之足破漢魏以後之陋說因題是編並闡而  
正之

德運相承雖有之繼

天立極豈因斯六經未見明文紀兩漢方傳家語辭  
不出五行生尅術那關萬姓順違爲卽云正統當歸

正亦曰基仁乃永基八帝瑞符縱殊別一時色尙已  
參差宅中圖大土應守表衆居尊黃實宜朝夕惕乾  
惟益勵休祥識緯底須奇勝朝未議國朝述足破千  
秋萬古疑

題宋中興聖政草

少康光武始堪稱何事建炎號中興輕議武湯慙盡  
善高談堯舜匹先登偏安祇有姑息計北伐會無恢  
復能徒曰親征望敵返未聞業叔受終膺求賢進退

都無定遠伎優游幾實曾碎寶細人索供平聲故斥璫

內侍竊權仍舉凡率可知時政曲譽安能逃後繩七

字永言昭鑒戒艱哉

天命慎欽承

題孫覺春秋經解六韻

注疏春秋充棟夥高郵作解費研磨學從安定居名  
第書出臨川罷制科鑿傅鄙他相佩劍翼經嘉此匪  
操戈諸公列國事悉具抑伯尊王義不訛發奧依然

準平正折衷要是弗偏頗邵張珍弄今歸紀汲古深  
心有足多

題毛晃禹貢指南六韻

微禹其魚功不刊導川敷土下民安九州既奠爰分  
域四海會同永宴瀾毛晃指南因有述文淵闕氏乃  
無端焦竑志籍傳名著朱子說書取訓鑽千古根源  
率由溯諸家附會概祛謾獨於分野稱星宿未識恢  
恢天道寬

題陳經尚書詳解六韻

帝王行事具心中

櫟括經發題語

挈要一言迴鮮同數

上聲彼

專通難僕指得茲詳解足治

平聲

躬卷成五十能探奧

書秘半千未發蒙

經南宋淳熙間進士逮今五百餘年矣

大典闕收誠

惜漏休陽復購可稱功新興教化爲根本古壁精微與擴充詩義雲煙誰過眼珍珉片羽願研窮

題酈道元水經注六韻

有序

酈道元水經注自明至今惟朱謀埠校本行世

其文與杜佑通典樂史太平寰宇記所引經注  
往往不合又多意爲改竄殊失本來面目近因  
袁集永樂大典散見之書其中水經注雖多割  
裂而按目稽核全文存尙可彙輯與今本相  
校既有異同且載道元自序一篇亦世所未見  
蓋猶據宋人善本錄入茲經館臣排綴成編凡  
篇目混淆經注相錯者悉加釐訂其脫簡有自  
數字至八九十字者亦並爲補正以數百年叢

殘缺佚之書一旦復還舊觀若隱有呵護者然  
亦藝林佳話也因題六韻紀之

檢書斷簡萃全珍自序猶存善長真却以殘山將剩  
水竟如合浦與延津笑他割裂審無術際此完成若  
有神南北少訛因未到古今畧異究堪循悉心編纂  
誠宜獎觸目研摩信可親設以春秋素臣例足稱中  
尉繼功人

趙傳寅禹貢說斷六韻

指南向已題毛晃說斷茲當屬傳寅五服九州辨貢  
賦三江四海析滌垠積年累月而窮究繼晷焚膏亦  
苦辛代易時陳因失舊定詔補闕爲完新祀台妄以  
知德先去聲紛彼奚辭注語頗更有諸家難著筆流沙  
今越海西濱

題宋仁宗武經總要六韻

論兵千載如聚訟真是徒工紙上談居重馭輕自不  
易困民養卒則何堪若言愛物斯誠有以曰知軍或



未諳龐籍汰多意猶躐韓琦救後慮惟覃第觀卅卷  
稱綜古詎足武經爲指南旗籍綠營維內外慎遵

祖制萬方戩

題說文篆韻譜

徐鍇說文兒鉉序依然朱氏曝書藏

卷前有朱彝尊  
印記蓋會爲曝

書亭

所藏制文遵古見誠卓作隸趨今辨以詳許慎特嘉

研六篆賈魴何事變三倉成編割裂異大典因字區  
分述舊章惟是微傳資訓詁信堪小學示津梁即看

繡谷勤收弄意在尊聞實所臧

闕射六韻

闕射門前却自思髫齡曾此沐

恩慈

憶十二歲時

皇祖御門引見每

我朝

命射於此若連中

慈容則大悅

家法惟弓矢卽位躬勤繼

創垂臂病因之疎步發身閒原未廢馳習勞每以  
寓觀德右屈還教挺左支憑覽不能無技癢欲爲又  
覺有顏泥甘連十九當年事迴想猶疑衆定疑

題郭知達集九家注杜詩

平生結習最於詩老杜真堪作我師書出曾鉸實郭  
集本仍寶慶及淳熙九家正注宜存耳餘氏支辭概  
去之適以遺編搜四庫乃斯古刻見漕司希珍際遇  
殊驚晚尤物闇章固有時重以琳瑯續天祿幾閱萬  
遍讀何辭

題宋版六經圖入韻

太古圖先書後出考書或不考圖非陳

森

刊苗

昌序

誠探要物列文彰  
允造微典備六千年燭照冊貽五  
百載芸馡玩時愒日寔儆戒惕夕乾朝守範圍傳授  
都因著姓氏次銓還以正依韋六經敢曰能窺道一  
已惟應勵勅幾敬奉

禪宗陳俎豆恪遵

家法服冠衣帝王學與儒生異  
罪我由他知我稀

題宋版朱子資治通鑑綱目

涑水創爲開義例紫陽述訂益精微  
直傳一貫天人

學兼揭千秋興廢機敬勝治兮怠勝亂念茲是耳釋  
茲非三編惟此遵綱紀輯覽會無越範圍錄出新安  
留面曰奔增天祿有光輝外王內聖斯誠備勿失服  
膺永勅幾

題胡宿文恭集

久曾割裂得全難四庫搜羅爲

去聲

復完如此立朝有

本末可教遺帙聽彫殘旣經呈覽斯予事自與發潛  
令彼安通集原應俾鈔錄至文乃合命鑿刊教坊致

語寧忠告道院青詞實異端去取之間繫旌瘳示茲  
大畧付儒官

書扇賜將軍阿桂六韻

掌握師行掄俊豪事無巨細一心操功成九仞尤應  
慎志洽諸軍實所褒探路欲因乘怠隙攻礪直可壓  
危撓我居避暑原無暑卿效賢勞真是勞嘉子七言  
錫書扇凱歌三捷換征袍勉之指日親郊勞紫閣銘  
勲崇爵叨

題舊五代史八韻

上承唐室下開宋五代興衰紀欲詳舊史原監薛居  
正新書重撰吉歐陽泰和獨用滋侵佚永樂分收究  
未彰四庫蒐羅今制創羣儒排纂故編償殘縑斷簡  
研磨細合璧連珠體裁去聲良遂使已湮得再顯果然  
紹遠藉搜旁雨存例可援劉昫專注事會傳馬光序  
以行之詩代序惕懷殷鑒念尤長

命議諡前明靖難殉節諸臣詩以誌事

有序

明建文革除之際其臣之仗節死難者史冊所載甚多當時永樂以藩臣犯順陰謀奪國諸人自當義不戴天雖齊泰黃子澄輩輕率寡謀方孝孺識見迂遠然其尊主鋤強之心實堪共諒其他如景清鐵鉉等或慷慨捐軀或從容就義甚至如東湖樵夫補鍋匠之流雖姓名不彰而其心均足嘉憫特以永樂殘刻性成屠戮之慘極於瓜蔓殆非人理朕讀史至此未嘗不深爲



憤恨夫以勝國革命之時其抗我顏行者尙念  
其忠於所事特予表章矧建文諸臣遭內難  
取義成仁豈可令忠臣義士之氣湮沒弗伸既  
命大學士等一體查議予諡以發幽光而昭公  
道復成長什以誌其事

項羽阬降本秦卒黃巢縱殺乃唐人豈如永樂誅戮  
者都是孝陵培養臣瓜蔓牽連何慘酷松凋節烈總  
忠純方齊謀拙斯宜恕景鐵心貞實絕倫潛德幽光

賴褒闡成仁取義忍沉淪勒章七字聊表舊惇史千

秋閱重

去聲新

幸西苑接見朝正外藩年班回部哈薩克來使  
及四川土司土舍頭人等之初次覲謁者卽  
事得句

步輦西華西苑巡匪遊圖覲遠徠臣夾衛左右紛迎  
接露冕笑言普拊循回部更番久依例內旗札薩舊  
稱賓土爾

讀作平聲

扈入朝如鴈哈薩克流仰集鱗來享

來王來賀節土司土舍土頭人撫茲武偃文修世益  
切盈持泰保寅

題元憲景文集並各書其卷首

有序

宋庠宋祁兄弟同負盛名且同舉進士時以大  
小宋並稱乃其官位一至宰輔一爲尙書事業  
所就旣殊情性亦奢儉各異故其詩文沈博新  
警因各隨其性之所近而爲世所傳誦則同及  
戒其子不令刊類文集行世亦同迨其後雖經

合刊繼而仍歸散佚又同茲復哀輯成集並以  
聚珍板印而流傳之又無弗同其同不同之故  
庠與祁固無能知之余亦烏從而知之然其散  
也由於自欲韜晦而其聚也幸有永樂大典之  
僅存佚之於七百餘年以前宋天聖至今七  
百五十餘年而  
完之於三百餘年以後明永樂至今三  
百七十餘年則又復  
歸於同余因合題一詩並冠於兩集簡首更使  
之不同而同則向之所謂同不同者皆可勿深

論是之謂大同

二宋合刊曾紀王惜哉分集失傳詳學如有本終難  
晦行不負言久益彰伯也孤風表雅操仲兮彊識富  
文章雖稱儉過及奢過弗愧元方與季方收拾碎珍  
得全冊吟題七字冠前行休嗤大典紛割裂愛禮幸  
茲存饌羊

題劉摯忠肅集六韻

散編哀集還全璧世人湮淪傳始今必有鬼神爲呵

護自然天地佑忠忱未嘗釋卷於經遠却匪空言見  
理深出處一身守直亮是非兩字辨僉王明陳十害  
邪辭闢分析二章正氣森六百載餘惜惻篤俗陵見  
擯獨何心

閱武樓閱武因成六韻誌事

節前閱武甸場寬組練生光了弗寒可勿用仍要以  
備不忘危敢恃其安新疆舊部茲同扈北貉西戎許  
並觀破險衝鋒或經見正旗堂陣俾初看銷兵氣共

陽和鬯訓旅心殷揚覲難示義方還頒禮賜武臣莫  
重詔登壇

題朱彝尊經義考

泰燿弗絕殆如繩未喪斯文聖語曾疑信雖滋後人  
議述傳終賴漢儒承天經地緯道由託一貫六同教  
以興黎閭炎劉校誠躋竹垞昭代撰堪稱存亡若彼  
均詳注文獻於茲率可徵遠紹旁搜今古會焚膏繼  
晷歲年增考因晰理求其是義在尊經靡不勝枕藉

寧惟資汲鑿闡崇將以示孫曾

正月十四日作

去春

祈穀御園旋同樂

行時幸以先

去歲於正月八日奉  
家宴賞燈越三日進宮齋戒迨十四日

聖母幸御園

早

祈穀禮成後卽回御園問

安時

聖

母因佳節行慶已先

幸同樂園是日

慈躬

稍覺違和及敬詢

起居如常

言笑且仍

歡賞無勸容蓋

愛憐子意實深恐子知

違和

微覺



安和殊近昨却仍

歡賞似常年

憐子之意誠深矣

豫節猶疑其次焉誰識晨昏閱幾日遂教

顧復抱終天

壽康如昔夢成境瞻拜徒茲淚湧泉式禮敢遵

神御屢

禮緣義起子惟恪奉

前規不敢稍有過

考御容而

不及如

壽皇殿向奉

皇祖

且同

列祖

皇祖妣

皇妣御容惟於除夕元

神御敬奉瞻拜至圓

明園之容未及

安佑宮則肅奉

皇祖

皇考御

列后惟養心殿及圓明園之東佛堂

皇考時曾恭奉

孝恭仁皇后神位因亦遵奉

聖母神位至

壽康宮雖尊奉慈闈

慶年人但其地宜留爲萬年奉養東朝所居奕禩

所當敬守若於此安奉聖母御容神位何

以示垂貽久遠之圖是以不敢輕率議加以協

舊典昨冬恭遇聖誕令辰及茲上元前日敬請

壽康宮惟於佛前並瞻仰寶座行禮以展

悲慕之忱蓋禮煩則瀆敬奉本不在乎多並體古訓

毋豐於昵之義斟酌以期於當又長春宮每遇年節

向有懸孝賢皇后及皇貴妃等影之事今聖

母既不另奉聖容因合罷長春宮懸惟吟長句

像之禮會面諭皇子等存記茲并詳識之

付哀絃

過禮烈親王園寢賜奠因成六韻

朝家讓帝溯前聞路便椒漿賜奠勤

由潭柘至香山蹕路經王園寢

因臨

唐較寧王無逼抗吳逾太伯有功勳烏喇

平聲

陣如風捲撫順攻城卜雨欣寬甸勇而誅上將凌河

恕以免監軍滅親大義棄孫子陪祀推恩展禮文三

隋不禁清淚落

祖宗遺澤逮仍雲

恭題

盛京吉林黑龍江等處標注戰蹟輿圖六韻

有序

盛京吉林諸處乃我

祖宗肇迹興王之所而皇輿全圖所繪向未賅備因

敬稽

實錄事蹟命將軍弘晌等詳考道里形勢按圖增補

且勅大學士舒赫德阿桂等董所司拓爲大圖

於

聖武豐功標注地名之右恭紀

太祖

太宗親征及

遣諸王貝勒等征討者爲地凡一百四十有四圖旣

成將以壽之棗梨垂示久遠緬惟我國家自長

白

發祥以至奄有瀋遼

天與人歸丕基式廓而我

太祖

太宗身歷戎行

開創艱難皆有山川疆域可考迄今按圖展對益可想見當年

景命所貽

前勞所啟用是恭賦成什誌不敢忘卽以是詩錄之  
幷首我世世子孫遵覽斯圖其尙欽承敬畏以  
鞏億萬載丕丕基而於余所以述

祖德而垂後昆者庸可忽乎哉

皇朝通志卷之三十三  
龍興東海佑承

天創業時仔

二帝肩因以輿圖考當日注之戰蹟示千年

祖功並茂德貽後

宗德還兼功繼前心檣折衝同禦侮

躬親執銳更披堅凡經一百四十處乃致九州萬國  
全享此泰平守器者可忘

先業弛勤虔

熱河承德府紀事八韻 有序

上塞久鍾擅坤輿之勝槩神皋特闢萃天府之  
奧區造化既具此山川分野自呈爲都會溯惟  
熱河著號因泉溫而紀地靈迨乎承德命名初  
設州而今置府緬昔

經營文囿始成避暑之莊及余纘習武功斯佇行秋  
之典烟井萬家而遞衍盈寧旣叶屢豐禮樂百  
年而後興教化亦徵日盛作廟準省垣之制建



學崇

孔子之堂文治甫彰賢書遂薦迺詔銓曹而集議  
悉依內地之成科首廳遷郡守之階卽資統轄  
餘屬分牧令之職仍帶原銜人因舊而制則惟  
新規模於焉大備官不增而事無所廢庶政因  
之益修顧兩載已隔鳴鑾茲五月復臨駐蹕覽  
歡迎之士庶愈懷

祖德之培貽撫摩錫之班聯恒凜泰符之熙洽用吟

長律兼識大凡

皇祖初名避暑莊熱河數典邠云忘萬家烟火昔戎  
聚千里幅員今闢疆承德建州癸丑始丙申陞府繼  
先稷因之擇地立

文廟遂以育賢起學庠信是百年興禮樂欣其比戶  
富農桑漫猗林本鹿豕藪試看家增絃誦場朔定安  
興軍溯古豐樂建赤縣分傍撫茲樂利蒙

庶者保泰惟殷敬不遑

註經臺行館六韻

幾宇叢祠野甸隅康成往蹟試評乎賈生以後殊董  
子秦火之餘賴漢儒一室操戈多異論出奴入主不  
同趨網羅喜爾猶精核囊括剛他有歲蕪學者識歸  
洙泗路行人欣遇費蒙途何來館舍於傍建不說事

成深慙

去聲吾

陝甘總督勒爾謹等奏報剿捕撒拉爾番回誌

事十韻 有序

撒拉爾番回卽狗西番其俗人畜並處好卽人  
怒卽獸往年因大加懲創安靜五十餘年今其  
醜類復滋昨督臣勒爾謹奏撒拉爾番回蘇阿  
洪等因爭立新教殺傷舊教數人遣官往捕而  
賊匪等竟敢抗拒並戕知府副將勒爾謹因率  
臬司福崧領兵往剿更調集甘省提鎮仁和等  
五路兵而賊已乘間侵佔河州維時事起倉卒  
勒爾謹暫駐狄道藩司王廷贊保守蘭州省城

賊乃問道進逼省城焚燒關廂西安巡撫畢沅  
以聞將軍伍彌泰提督馬彪各領兵赴援奏到  
卽勅簡八旗勁旅并命大學士阿桂尙書和珅  
等往蒞其事乃兵甫啟行而王廷贊卽奏誅殺  
賊匪教主馬明清茲勒爾謹畢沅仁和等奏克  
復河州省城圍解且擒殺賊匪要犯多人擊退  
上山卽日可期剿滅云云因勅分別獎賞頒諭  
中外並賦十韻紀事如左

狗西黑帳本番雖白帽非回竄籍呼爭教始因執新  
舊據州遂肆搜萑苻如狂一旦爲猖獗不畏三章置  
鑽鈇捉鎮領兵皆宿將監司守省具嘉謨會征有算  
妖氛歛決戰無前賊勢孤近日伏林遠滿四何辭淨  
剿受駢誅分馳禁旅原資衆詳覽軍書敢懈吾本省  
制軍紆壯畧鄰封安撫裕良圖羣心齊自成功速小  
醜穢將乏處遁方顛

佑隨聞捷信曰欣曰敬曰慙夫

綠毯八韻

山莊土美草豐連，  
遍野而以鹿多恣食不致。  
蔚長鋪地不過寸餘，  
誠綠毯也對而引興用成。

八韻

綠毯試云何處最，  
最惟避暑此山莊。  
却非西旅織裘物，  
本是北人牧馬場。  
雨足翠茵鋪滿地，  
夏中碧罽被連岡。  
竊行無礙柔叢印，  
鹿齧那容密刺長。  
度不尺盈剛及寸，  
聞殊香蕪乃饒芳。  
奢哉温室氍毹漢，  
刺矣白

家絲線唐奚必鄭元書作帶偶同李賀句歸囊莎羅  
小坐因成什

示儉因之緝

訓良

正月十日乾清宮普宴宗室得句誌喜十韻

前序

韶開玉琯堯冀敷十葉之春派毓璇源姬颺衍

萬年之祚昔初紀展親錫宴敞瀛苑而聯賡洎

昨秋詔爵宣綸普天潢而示寵懋典踵行於惇



敘廣筵肇啟於乾清臚子姓者凡二千人支繁  
十世自王公以及三四品燕衍一堂旣增秩以  
賜金復承筐而授尊序賢序齒孝弟之心油然而  
有本有文禮樂之事備矣仰

龍興於東土慶逮雲初遡麟趾於西京恩推水木準  
四十九旗之世例爾子孫勉承錫類之榮席百  
卅餘載之皇圖我國家永迪興仁之教歡申渥  
闔喜誌長言

事成時節藉因緣宗子加官此日全四代未行或有  
待一時愛舉乃無愆

仁皇

憲帝恩垂鑒近派遠支祿永延式詠綿瓜胥

祖澤遂歌行葦列賓筵

六朝慶衍葉百億十世居滋人二千起瀋前勳寧忘  
爾例元後嗣合同然簪纓被矣禮義勗家室肫乎孝  
弟先醉酒莫言茲飽德篤親匪曰慢與賢已欣設席

長幼序復有承筐次第宣共沐

天庥示海宇大清國祚萬斯年

題元搨石鼓文

已已搨藏石鼓辭及存真蹟弄珍之訝觀元代趙家  
印重讀唐時韓氏詩居上後來寧避諂爲雄積健信

稱奇收三百又加旬者多四十還餘六茲

乾清宮搨本所有者

三百十字茲本三百五十六字較多四十六字

節化

淳化帖中夏禹書

智營

丹鉛錄中响樓

碑

二以外文乎宣也古惟斯商彝夏鼎方伯仲片羽

吉光永陸離龍爪雲中幻隱現蚪文劫後尙留遺淵  
明甚解不求處向闢其言用此宜

至盛京再疊癸亥七言長律十四韻

萬古陪京峙大東

二陵佳氣鬱菁蔥遷都羣意原非合定鼎

皇心迥不同

太祖初議自東京遷都瀋陽諸員  
勒大臣多以甫遷東京未便爲辭

太祖睿謀獨斷諭以山川形勢戰

守攻取之利於是遂定都盛京  
慮大焉能細慮小

圖王寧渠

去聲祇圖

躬立門作廟斯經始控北征西此據中衆議雖違衆

威服

太祖以瀋陽形勝之地西征明北征蒙古南征朝鮮皆爲近便且材木足以治宮室山川

可以資漁獵詳悉

詰論諸臣等無不欽服

實猷有在實非空仍惟

示儉衣從撚

太祖嘗出獵雪初霽恐雪霑濡撚衣而行侍衛等私語曰

有而惜一支耶

太祖聞而笑曰吾豈爲無衣而

惜之吾嘗以衣賜汝等與其被雪霑濡何如鮮潔爲

愈躬行節儉微物必

惜汝等正當效法耳

初弗

尙奢繼響瓏城內斯治

平聲

外斯攘闕文其德武其功

民人曾未賦租斂子弟原胥力作攻各有室家安沛

里于時言語燕豐宮人感其德基爰固

天錫以庥歲屢豐故國益深欽

祖澤長言亦豈盡孫衷數朝祇惜蓮壺促一瞥無殊  
蕙篆融癸亥倏看癸卯到少年忽作老年通再臨能  
否渾難定剩有迴瞻曉日紅

題文溯閣

老方四庫集全書竟得功成幸莫如京國畧欣淵已  
滙陪都今次溯其初源寧外此園近矣津以問之莊

繼諸披秘探竒力資衆折衷所要意厯予唐留宋苑  
實應遜荀勗劉歆名亦虛東壁五星斯聚朗西都七  
畧彼空儲以云過澗在茲爾敢曰牖民舍是歟敬緬  
天聰文館闡必先敢懈

有開餘

謁明陵八韻

有序

望鍾阜之松楸巡塗必詣指昌平之表碣蹕路  
茲臨維十三陵之兆域相依經百餘年而德怨

久狃况得之賊手立統正而仇復前朝且優以  
侯封布澤深而仁欽

祖德雖採樵禁於令甲而閱歲致或頽初值此親瞻  
惻然眷念忍聽丹墀粉剝無繼體以銷沈依然  
隧闕堂深發重帑而賁飾彼何示人以不廣毀  
及金源我惟凜

天之難諶假茲殷鑒摛八韻而成斯詩什等百世則  
其在鑑評



驅除本是藉餘閏表正由來超古今

廣運欽承一統大勝朝消隔百年深山陵念以北鄰  
近車駕因之此日臨德怨久哉幻時世興亡昭矣惕  
予心雖云樵採勤禁護亦惜殿堂逮圯沈應悟有成  
那無廢當忘彼惹毀其金地官漫斲費帑項冬部爰  
教飾鼎林卽故寢園示明監靡常

天命稟難謫

賜宴緬甸陪臣卽席六韻

滇南金葉緬文呈來者徠

去聲

之嘉至誠昔自歸降此

歸順不惟無戰並無征閉關未可學光武馳諭原非

遣陸生方伯猶搜遮去吏外臣兼獻未回兵山莊宴

賚逢佳節

是日重九

海國車書遵大清惇史漫稱增此創

皇圖惟慎奉其盈

### 邊報六韻

衛藏爲黃教興隆之地內外諸蒙古無不以是  
爲宗所關事體大是以自康熙雍正以至今無

不遣大臣駐兵防守茲因藏之西邊廓爾喀部  
落犯界駐藏大臣不能得其領要倉惶奏聞不  
得不發兵籌餉晝夜籌畫茲疊據奏報賊退消  
息衆雖以爲易於完事而予則以爲我武未揚  
恐我兵退而彼復來詩以言志作邊報六韻

邊報頻稱賊退稀衆心爲喜已爲非大都徒顧目前  
計未解深謀日後機我往彼逃事如順我還彼至咎  
誰歸莫追窮寇雖古語應撥餘根示國威宵慮旰籌

勞豈願外寧內亢語難違

用左傳范  
文子語意

持盈惟是佳兵

戒禁暴安還企庶幾

詠廓

爾

一字讀

喀所進貝葉經用己卯詠貝葉經

詩韻

戊申藏事費親裁廓

爾

喀歸誠息戰駭爰以錦函進

葵表先之貝葉出蓮臺痕都別部隔遙遠信使昨年

始到來因識一仁物可格似勝千旅力爲摧番僧有

目迷空霧梵帙無聲演法雷却與舊藏成合璧三乘

於是絜宗夢

以壽登八旬恭拜

二陵遂巡山東祭

岱宗

闕里是日起程得長句六韻

有序

年八十耄徵篤念於箕疇歲二月東禮舉巡於  
舜典允臣民之請秋弧慶佇於稱觴承

祖

考之麻春露惕深於瞻

鼎敬曰報

眷貽之厚尙久持茲疊之衷矢抱蜀之宜勤邇歲期

週

中祀矧升香之司卽順塗便詣靈區維

嶽宗司萬物之發生而

聖揆實百王之師表于焉修禮陋遷書封臧之夸

足以體仁驗魯論樂山之壽登福臚於濟水程

印前言駐日馭於瀛津巡經隔歲撫齊甸豐盈  
之豫臚羣黎瞻就之歡昨接臺吏之封章年穰

穀賤甫下元辰之恩詔民足賦蠲壽宇萬氓憑

輿若拊循赤子朝家五代迂躡亦提抱童孫溯

昌邠東國廿年愉情藹若憶執徐南巡六度愛

景依然里記車安臺登春樂月維初吉三朝過

元鳥之分

初五日  
春分

穀酒用成先日卜社公之雨

初七日

春社 初程發軔長句排籤

八十千支

天眷錫

二陵風雨

聖恩延何修而遇誠徽幸不息以強勉惕乾

中祀一心期備舉

代宗

闕里例應然書稱二月東巡日禮慶中秋庚戌年展  
敬自當叩



先鼎撰良遂以發行旃甲辰風景夫何異瞥眼流陰

五載遷

自甲辰南巡會過泰山  
祀闕里闕今又五載矣

賜宴內外藩王文武諸臣卽席成什六韻

祝釐雖是衆誠申弗以爲當爲愧頻幸沐

天恩諸事歲益因時敘一心寅各巡撫命還省畢衆

布按歸厯陞陳安惠萬民訓外吏晴和今日宴朝臣

承筐是用將百辟勞

去聲

酒亦惟行一巡因便瀛藩分

散遣所嘉戀闕意猶諄

題廓爾喀貢刀六韻

藏地西鄰廓爾喀第巴翫法訴難通因之侵擾冀呈  
信遂與剖申卽獻忠不戰屈人賴

天佑明刑弼教秉予公軍營奉表將臣奏京國貢刀  
使者充水斷蛟龍薄析兇光連星斗氣如虹柔遐戢  
武吾本意保泰乾乾念不窮